

Kp. X

Frivola haec fortassis cuipiam, et nimis levia
esse videantur: sed curiositas nihil recusat.

Flavii Vopisci:
(Syracusii):
Divus Aurelianus

Habuit ergo multos ducatus, plurimos Tribunatus, vicarias ducum
et Tribunorum, diversis temporibus, prope quadraginta; usque adeo,
ut etiam Ulpii Criniti vicem sumeret, exercitum duceret,
limitem restitueret, praedam militibus daret, Thracias
bobus, equis, mancipiis, captivis locupletaret, manubias in Palatio
collocaret, quingentos servos, duo millia vaccarum, equas mille
ovium decem millia, caprarum quindecim millia, in privatam
villam Valeriani congereret.

Tunc enim Ulpius Crinitus, publice apud Byzantium sedenti
Valeriano in thermis egit gratias, dicens, "magnum de se"
iudicium habitum, quod eidem vicarium Aurelianus dedisset:
quare eum statuit arrogare. ---

Kp. XIII

Cum conedisset Valerianus Augustus in thermis apud Byzantium,
praesente exercitu, praesente etiam officio Palatino, assidentibus
Memmio Fusco, Consule ordinario, Baebio Macro, Praefecto
praetorii, Quirato Ancario, Praeside Orientis, assidentibus
etiam a parte laeva Anulvio Saturnino, Scythici limitis
duce, Murentio ad Aegyptum destinato, Julio Tryphone,
Orientalis limitis duce, et Meceo Brundusino, Praefecto
annonae Orientis, et Ulpio Crinito, duce Illyriciani et Thracii,
et Fulvio Bojo, duce Rhaetici limitis, Valerianus Augustus
dixit:

"Gratias tibi agit, Aureliane, respublica, quod eam Gothorum
potestate liberasti. Abundamus per te praeda, abundamus gloria
et his omnibus, quibus Romana felicitas crescit. Cape igitur
tibi pro rebus gestis tuis coronas mureles quatuor, coronas
vallares quinque, coronas navales duas, coronas civicas duas,
hastas puras decem, vexilla bicolores quatuor, tunicas ducum
russas quatuor, pallia praetoraria duo, togam praetextam,

2
"tunicam palmatam, togam pictam, subarmalem profundam, sellam
"eboratam. Nam te Consulem hodie designo, scripturas ad
"Senatum, ut tibi deputet scipionem, deputet etiam fasces: haec
"enim Imperator non solet dare, sed a Senatu, quando fit
"Consul, accipere".

Kp. XIV. Post haec Valeriani dicta, Aurelianus surrexit, atque
ad manus accessit, agens gratias militaribus verbis: quae propria
et ipsa apponenda decrevi.

Aurelianus dixit:

"Et ego, domine Valeriane, Imperator Auguste, ideo cuncta
"feci, ideo vulnera patienter excepi, ideo et equos et
"cantherios meos lassari, ut mihi gratias ageret res publica, et
"consentia mea. At tu plus fecisti. ago ergo gratias bonitati
"tuae, et accipio Consulatum, quem das. Dii faciant, et Deus
"certus Sol, ut et Senatus de me sic iudicet".

Agentibus igitur gratias omnibus circumstantibus, Ulpius Crin-
itus surrexit, atque hac oratione usus est:

"Apud majores nostros Valeriane Auguste, quod et
"familiae meae amicum ac proprium fuit, ab obtinui,
"quibusque in filiorum locum fortissimi, viri semper electi
"sunt, ut vel senescentes familias, vel foetus matris
"moniti jam caducos, substitutae foecunditas proli ornaret.
"Hoc igitur, quod Cocceius Nerva in Trajano adoptando,
"quod Ulpius Trajanus in Hadriano, quod Hadrianus in
"Antonino, et ceteri deinceps proposita suggestionem fecerunt,
"jam in arrogando Aureliano, quem mihi vicarium iudicii
"tui auctoritate fecisti, censui esse referendum. Iube
"igitur, ut lege agatur, sitque Aurelianus heres sacrorum
"nomini et bonorum, totiusque iuris, Ulpio Crinito
"jam consulari viro, ipse actutum, te iudice, consularis".

Kp. XV. Longum est cuncta pertexere. Nam et actae sunt
Crinito a Valeriano gratiae, et adoptio, ut solebat, impleta.
Memini me in quodam libro Graeco legisse, (quod tacendum
esse non credidi) mandatum esse Crinito a Valeriano, ut Aure-
lianus adoptaretur, idcirco praecipue, quod pauper esset: sed hoc
in medio relinquendum puto. (Quododdum)